

全上古三代秦漢三國六朝文

全後漢文卷五

烏程嚴可均校輯

章帝二

產子復勿算詔

元和二年正月乙酉

令云人有產子者復勿算三歲今諸懷姙者賜胎養穀人三斛復其夫勿算一歲著詔爲令

後漢章紀

詔三公

方春生養萬物孳甲宜助萌陽詔育時物其令有司罪非殊死且勿案驗及吏人條書相告不得聽受冀已息事庶人敬奉天氣立秋如故夫俗吏矯飾外貌似是而非揆之人事則悅耳論之陰陽則傷化朕甚饜之甚苦之安靜之吏悃悃無華日計不足月計有餘如襄城令劉方吏人同聲謂之不煩雖未有它異斯亦殆近之矣間敕二千石各尚寬明而今富姦行賂于下貪吏枉法于上使

有罪不論而無過被刑甚大逆也夫已苛爲察已刻爲明已輕爲德已重爲威四者或興則下有怨心吾詔書數下冠蓋接道而吏不加理人或失職其咎安在勉思舊令稱朕意焉

後漢章紀

改行四分曆詔

二年二月甲寅

朕聞古先聖王先天而天不違後天而奉天時河圖曰赤九會昌十世已光十一已興又曰九名之世帝行德封刻政朕已不德奉承大業夙夜祇畏不敢荒寧予末小子託在于數終曷已續興崇弘祖宗拯濟元元尚書璇璣鈴曰述堯理世平制禮樂放唐之文帝命驗曰順堯考德題期立象且三五步驟優劣殊軌況予頑陋無已克堪雖欲從之末由也已每見圖書中心慙焉聞者已來政治不得陰陽不和災異不息癘疫之氣流傷于牛農本不播夫庶徵休咎五事之應咸在朕躬信有闕矣將何已補之書曰惟先假王正厥事又曰歲二月東巡狩至岱宗柴望秩于山川遂觀東后

叶時月正日祖堯岱宗同律度量考在職衡曰正麻象庶乎有益
春秋保乾圖曰三百年斗麻改憲史官用太初鄧平術有餘分一
在三百年之域行度轉差浸曰謬錯琰琰不正文象不稽冬至之
日曰在斗二十二度而麻曰爲牽牛中星先立春一日則四分數
之立春日也而曰折獄斷大刑于氣已连用望平和隨時之義蓋
亦遠矣今改行四分曰遵于堯曰順孔聖奉天之文冀百君子越
有民同心敬授儻獲咸熙曰明予祖之遺功

續漢律麻志中又蔡邕麻議宋書麻志一

又文選永明九年策秀才文注引續漢書

增修羣祀詔

同上

經稱秩元祀咸秩無文祭法功施于民則祀之曰死勤事則祀之
曰勞定國則祀之能禦大災則祀之曰日月星辰民所瞻仰也山
林川谷丘陵民所取財用也非此族也不在祀典傳曰聖王先成
民而後致力于神又曰山川之神則水旱癘疫之災于是乎禱之

日月星辰之神則雪霜風雨之不時于是乎禋之孝文十二年令曰比年五穀不登欲有已增諸神之祀王制曰山川神祇有不舉者爲不敬今恐山川百神應典禮者尚未咸秩其議增修羣祀宜享祀者已祈豐年已致嘉福已蕃兆民詩不云乎懷柔百神及河喬嶽有年報功不私幸望豈嫌同辭其義一焉

續漢祭祀志中注引東觀書又略見

後漢章帝紀又蔡邕傳注

賜三老等帛詔二年二月乙丑

三老尊年也孝悌淑行也力田勤勞也國家甚休之其賜帛人一

匹勉率農功

後漢章紀

東巡大赦詔二年二月丙子

朕巡狩岱宗柴望山川告祠明堂已章先勲其二王之後先聖之胤東后蕃籙伯父伯兄仲叔季弟幼子童孫百僚從臣宗室眾子要荒四裔沙漠之北葱嶺之西冒彫之類跋涉懸度陵踐阻絕駁

奔郊時咸來助祭祖宗功德延及朕躬予一人空虛多疚纂承尊
明盥洗享薦慙愧祇慄詩不云乎君子如祉亂庶遄已麻數既從
靈耀著明亦欲與士大夫同心自新其大赦天下諸犯罪不當得
赦者皆除之復博奉高麗無出今年田租芻橐

後漢章紀

巡幸詔

惟巡狩之制已宣聲教考同遐邇解釋怨結

初學記十三

東巡還告祠高廟下詔

二年五月戊申袁宏紀作丙戌

乃者鳳凰黃龍鸞鳥比集七郡或一郡再見及白鳥神雀甘露屢

臻

案文選班固白雉詩注引東觀漢記此下有降自京師四字袁宏紀亦有

祖宗舊事或班恩施其賜

天下吏爵人三級高年鰥寡孤獨帛人一匹經曰無侮鰥寡惠此

鰥獨加賜河南女子百戶牛酒令天下大酺五日賜公卿已下錢

帛各有差及雒陽人當酺者布戶一匹城外三戶共一匹賜博士

員弟子見在太學者布人三匹合郡國上明經者口十萬以上五

人不滿十萬三人

後漢章紀又略見袁宏後漢紀十二

冬至後不報囚詔

二年七月庚子

春秋于春每月書王者重三正慎三微也律十二月立春不曰報囚月令冬至之後有順陽助生之文而無鞠獄斷刑之政朕咨訪儒雅稽之典籍曰爲王者生殺宜順時氣其定律無曰十一月十二月報囚

後漢章紀

鳳皇黃龍見下詔

二年九月壬辰

鳳皇黃龍所見亭部無出二年

袁宏紀作今年

租賦加賜男子爵人二級

先見者帛二十四匹近者三匹太守三十四匹令長十五匹丞尉半之

詩云雖無德與汝式歌且舞它如賜爵故事

後漢章紀又略見袁宏後漢紀十二並于

五月丙戌詔

定禮樂詔

二年十一月壬辰

余末小子託于君位曷曰恢崇仁濟天下三代推益優劣殊軌況

于頑陋無已易民視聽雖欲從之末由也已

袁宏後漢紀十二

詔報袁安二年

久議沈滯各有所志蓋事已議從策由眾定間閭衍衍得禮之容寢嘿抑心更非朝廷之福君何尤而深謝其各冠履

後漢袁安傳

還北單于南部生口詔二年

昔獫狁獯粥之敵中國其所由來尚矣往者雖有和親之名終無絲髮之效境塙之人屢嬰塗炭父戰于前子死于後弱女乘于亭障孤兒號于道路老母寡妻設虛祭飲泣淚想望歸魂于沙漠之表豈不哀哉傳曰江海所已能長百川者已其下之也少加屈下尚何足病況今與匈奴君臣分定辭順約明貢獻累至豈宜違信自受其曲其敕度遼及領中郎將龐參倍雇南部所得生口已還北虜其南部斬首獲生計功受賞如常科

後漢南匈奴傳

稟給幼孤詔

三年正月乙酉

蓋人君者視民如父母有憚恤之憂有忠和之教匍匐之救其嬰
兒無父母親屬及有子不能養食者稟給如律

後漢章紀

北巡告常山等郡守相

元和三年二月壬寅

朕惟巡狩之制已宣聲教考同遐邇解釋結冤也今四國無政不
用其良駕言出游欲親知其劇易前祠園陵遂望祀華霍東柴岱
宗爲人祈福今將禮常山遂徂北土歷魏郡經平原升踐隄防詢
訪耆老咸曰往昔汴門未作深者成淵淺則泥塗追惟先帝勤人
之德底績遠圖復禹弘業聖跡滂流至于海表不克堂構朕甚慙
焉月令孟春善相丘陵土地所宜今肥田尚多未有墾闢其悉已
賦貧民給與糧種務盡地力勿令游手所過縣邑聽半入今年田
租已勸農夫之勞

後漢章紀告常山魏郡清河
鉅鹿平原東平郡太守田

議定禮樂詔

三年袁宏紀作
和元年正月

朕已不德膺祖宗弘烈乃者鸞鳳仍集麟龍竝臻甘露宵降嘉穀

滋生赤草之類紀于史官朕夙夜祇畏上無已彰于先功下無已克稱靈物漢遭秦餘禮壞樂崩且因循故事未可觀省有知其說者各盡所能

後漢曹真傳又見袁宏後漢紀十二作漢遇莽葬禮樂崩固循故事多非經典知其說者之于天下豈

不遠

乎

報宋暉詔

元和中

補公家之闕不累清白之素斯善美之士也俗吏苟合阿意面從進無饗饗之志卻無退思之念患之甚久惟今所言適我願也生其勉之

後漢朱暉傳

制詔齊相

元和中

諫議大夫江革前已病歸今起居如何夫孝百行之本眾善之始也國家每惟忠孝之士未嘗不及革也縣已見穀千斛賜臣孝常已八月長吏存問致羊一頭酒二斛已終厥身已顯異行如有不幸祠以中牢

袁宏後漢紀十後漢江革傳

改元章和詔

元和四年七月壬戌

朕聞明君之德，感迪鴻化，緝熙康乂，光照六幽。訖惟人而靡不率，俾仁風翔于海表，威靈行乎鬼區。然後敬恭明祀，膺五福之慶，獲來儀之貺。朕已不德，受祖宗弘烈，乃者鳳皇仍集，麒麟並臻，甘露宵降，嘉穀滋生，芝草之類，歲月不絕。朕夙夜祇畏，上天無已，彰于先功。今改元和四年爲章和元年。秋，令是月養養老，授几杖，行糜粥飲食。其賜高年二人，共布帛各一匹。已爲醢醢，死罪囚犯法在丙子赦前，而後捕繫者，皆減死勿笞。詣金城戍。

後漢章紀

減刑詔

元年九月壬子

郡國中，都官繫囚，減死罪一等。詣金城戍犯殊死者，一切募下，繫室其女子宮。繫囚鬼薪白粲已上，減罪一等。輸司寇作亡命者，贖罪死，縱二十四。右趾至髡鉗城旦舂七匹，完城旦至司寇三匹。吏民犯罪未發覺，詔書到自告者，半入贖。

後漢章紀

復阜陵侯王爵詔同上

昔周之爵封于有八百而姬姓居半者所已植幹王室也朕南巡望淮海意在阜陵遂與侯相見侯志意衰落形體非故瞻省懷感

曰宮已悲今復侯爲阜陵王增封四縣并前爲五縣已阜陵下涇

徙都壽春加賜錢千萬布萬匹安車一乘夫人諸子賞賜各有差

後漢阜陵王延傳又見袁宏後漢紀十二有刪節

下詔貶削齊王晃等

元年

朕聞人君正屏有所不聽宗尊爲小君宮衛周備出自輜輶之飾入有牖戶之固殆不至如譖者之言晃剛愎乎至行濁乎大倫甫刑三千莫大不孝朕不忍置之于理其貶晃爵爲無湖侯削剛戶三千於戲小子不勸大道控于法理已墮宗緒其遣謁者收冕及

太姬璽綬

後漢齊武王續傳

特詔責張鳴已下年月未詳

爾虎賁將軍蒙國厚恩位在中臣宿衛禁門當進人不避仇讎舉
罰不避親戚今者反于殿中交通輕薄虎賁蘭內所使至欲相殺
于殿下避門內畏懦恣縱姑不遂捕此皆生于不學之門所致也
張珍本東觀漢記明德太后姊子夏壽等以呼虎賁張鴻與赦嚴爭鬪帝特詔

詔敕出朱暉

國家樂聞駁議黃髮無愆詔書過耳何故自繫

後漢朱暉傳

詔馬光

當在建初八年已前

朝廷鹿脯盛用飯也

東觀漢記

東平憲王哀策

惟建初八年三月己卯皇帝曰咨王丕顯勤勞王室親受策命昭
于前世出作蕃輔克慎明德率禮不越傳聞在下昊天不弔不報
上仁俾屏余一人夙夜熒熒靡有所終今詔有司加賜鸞輅乘馬
龍旂九旒虎賁百人奉送王行匪我憲王其孰離之魂而有靈保

茲寵榮嗚呼哀哉

後漢東平王蒼傳又略見袁宏後漢紀十二

賜策罷太尉鄧彪

元和元年八月甲子

惟君曰曾閔之行禮讓之高故慕君德禮曰屬黎民貪與君意其上太尉印綬賜錢三十萬俸二千石祿終厥身君專精養和曰輔天年詔太常四時致祭宗廟之胙河南尹常曰八月旦奉羊酒

後漢紀

十二

敕侍御史司空

元和三年二月乙丑

方春所過無得有所伐殺車可引引避引避之駢馬可輟解輟解之詩云敦彼行輩牛羊勿踐履禮人君伐一草木不時謂之不孝

俗知順人莫知順天其明稱朕意

後漢章紀

敕曹褒條正漢儀

章和元年正月

此制散略多不合經今宜依禮條正使可施行于南宮東觀盡心

集作

後漢曹褒傳

賜東平王蒼書

初卽位

朕夙夜伏思念先帝躬履九德對于八政勞謙克已終始之度比放三宗誠有其美今追遺詔誠不起寢廟臣子悲結僉已爲雖于更衣猶宜有所宗之號曰克配功德宗廟至重朕幼無知寤寐憂懼先帝每有著述典義之事未嘗不延問王曰定厥中願王悉明處乃敢安之公卿議駁今皆并送及有可曰持危扶顛宜勿隱思有所承公無困哉

續漢祭祀志下注補引東觀書章帝初卽位賜東平書

復報東平王蒼

建初元年

有司奏上尊號曰顯宗藏主更衣不敢違詔祿食世祖廟樂皆如王議曰正月十八日始祠仰見樓桷俯視几筵眇眇小子哀懼戰慄無所奉承愛而勞之所望于王也

續漢祭祀志下注補引東觀書

報東平王蒼書

元年

丙寅所上便宜三事朕親自覽讀反覆數周心開目明曠然發矇

聞吏人奏事亦有此言但明智淺短或謂儻是復爲非何者災異之降緣政而見今改元之後年饑人流此朕之不德感應所致又冬春旱甚所被尤廣雖內用克責而不足所定得王溪策快然意解詩不云乎未見君子憂心忡忡既見君子我心則降思惟嘉謀曰次奉行冀蒙福應彰報至德特賜王錢五百萬

後漢東平
憲王蒼傳

賜東平王蒼及瑯邪王京書

三年

中大夫奉使親聞動靜嘉之何已歲月驚過山陵浸遠孤心悽愴如何如何聞饗衛士于南宮皇太后因過按行閱視舊時衣物聞于師曰其物存其人亡不言哀而哀自至信矣惟王孝友之德亦豈不然今送光烈皇后假紵帛巾各一枚及衣一篋遺王可時奉瞻視曰慰凱風寒泉之思又欲令後生子孫得見先后衣服之製今魯國孔氏尚有仲尼車輿冠履明德盛者光靈遠也其光武皇帝器服中元二年已賦諸國故不復送竝遺宛馬一匹血從前臂

上小孔中出常聞武帝歌天馬霜赤汗今親見其然也頃反虜尚屯將帥在外憂念遑遑未有閒寧願王寶精神加供養苦言至戒望之如渴

後漢東平憲王蒼傳又袁宏後漢紀十一又文選顏延之陶徵士誄注謝朓齊敬皇后哀冊文注初學記二十

竝引東觀漢記

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷五終

全後漢文卷六

烏程嚴可均校輯

和帝

帝諱肇，章帝第四子。建初七年，立爲皇太子。章和二年二月壬辰，卽皇帝位，年十歲。建元永元，在位十七年。至十七年改元元興元年。諡曰孝和皇帝。廟號穆宗。

罷鹽鐵詔

章和二年四月戊寅

昔孝武皇帝致誅胡越，故權收鹽鐵之利，以奉師旅之費。自中興以來，匈奴未賓，永平末年復修征伐，先帝卽位，務休力役，然猶深思遠慮，安不忘危，採觀舊典，復收鹽鐵，欲以防備不虞，寧安邊境而吏多不良，動失其便，以違上意。先帝恨之，故遣戒郡國罷鹽鐵之禁，縱民鑄煮，入稅縣官如故事。其申敕刺史二千石奉順聖旨，勉弘德化，布告天下，使明知朕意。

後漢和紀

和帝

匈奴平告廟詔 永元元年閏七月丙子

匈奴背叛爲害久遠賴祖宗之靈師克有捷醜虜破碎遂掃厥庭
役不再籍萬里清蕩非朕小子眇身所能克堪有司其案舊典告
類薦功曰章休烈

後漢和紀

恤韋彪詔

元年

詔尚書故大鴻臚韋彪在位無愆方欲錄用奄忽而卒其賜錢二
十萬布百匹穀三千斛

後漢韋彪傳

封竇憲等詔

二年六月

大將軍憲前歲出征克滅北狄朝加封賞固讓不受舅氏舊典竝
蒙爵土其封憲冠軍侯邑二萬戶篤鄆侯景汝陽侯瓌夏陽侯各
六千戶

後漢竇憲傳

詔北海王惠等勿讓虎賁官騎

二年六月

諸侯出境必有武備夾谷之會司馬曰從夫有文事必有武備所

呂重蕃也王無辭焉

哀宏後漢紀十三

行幸長安詔

三年十月癸未

北狄破滅名王仍降西域諸國納質內附豈非祖宗迪哲重光之鴻烈歟寤寐歎息想望舊京其賜行所過二千石長吏目下及三老官屬錢帛各有差鰥寡孤獨篤癯貧不能自存者粟人三斛

後漢

求曹相國後詔

十一月癸卯

高祖功臣蕭曹爲首有傳世不絕之義曹相國後容城侯無嗣朕望長陵東門見二臣之壠循其遠節每有感焉忠義獲寵古今所同可遣使者目中南祠大鴻臚求近親宜爲嗣者須景風紹封以章厥功

後漢和紀

旱蝗除田租詔

四年十二月

今年郡國秋稼爲旱蝗所傷其什四以上勿收田租芻藁有不滿

者。曰實除之。

後漢和紀

詔有司

五年二月戊戌

有司省減內外廩及涼州諸苑馬。自京師離宮果園上林廣成園。悉曰假貧民。恣得采捕。不收其稅。

後漢和紀

實覈貧民詔

五年二月丁未

去年秋麥入少。恐民食不足。其上尤貧不能自給者。戶口人數。往者郡國上貧民。曰衣履釜鬻爲費。而豪右得其饒利。詔書實覈。欲有已益之。而長吏不能躬親。反更徵召會聚。令失農作。愁擾百姓。若復有犯者。二千石先坐。

後漢和紀

選舉詔

三月戊子

選舉良才。爲政之本。科別行能。必由鄉曲。而郡國舉吏。不加簡擇。故先帝明敕在所。令試之。曰職乃得充。選又德行尤異。不須經職者。別署狀上。而宣布。曰來。出入九年。二千石曾不承奉。恣心從好。

司吏刺史訖無糾察。今新蒙赦令，且復申救。後有犯者，顯明其罰。在位不目選舉爲憂，督察不目發覺爲負，非獨州郡也，是目庶官多非其人。下民被姦邪之傷，由法不行故也。後漢和紀

報梁王囑詔五年

朕惟王至親之屬，淳淑之美，傳相不良，不能防邪。至今有司紛紛有言，彰于內外。今王深思悔過，端自克責，朕惻然傷之。志匪由子咎在彼小子，一日克己復禮，天下歸仁。王其安心靜意，茂率休德，易不云乎：一謙而四益。小有言終吉，強食自愛，其何讓哉。袁宏後漢紀十

國後漢梁王囑傳

卹流民詔六年三月庚寅

流民所過郡國，皆實稟之。其有販賣者，勿出租稅。又欲就賤還歸。

者，復一歲田租更賦。

後漢和紀

舉賢良方正詔

二月丙寅

朕目眇末奉承鴻烈陰陽不和水旱違度濟河之域凶饑流亡而未獲忠言至謀所曰匡救之策寤寐永歎用思孔疚惟官人不得于上黎民不安于下有司不念寬和而競爲苛刻覆案不急曰妨民事甚非所目上當天心下濟元元也思得忠良之士曰輔朕之不逮其令三公中二千石二千石內郡守相舉賢良方正能直言極諫之士各一人昭嚴穴披幽隱遺詣公車朕將悉聽焉

後漢和紀

免遣官徒詔

七月

中都官徒各除半刑謫其未竟五月已下皆免遣

後漢和紀

封班超詔

六年

往者匈奴獨擅西域寇盜河西永平之末城門晝閉先帝深愍邊氓嬰罹寇害乃命將帥擊右地破白山臨蒲類取車師城郭諸國震懼響應遂開西域置都護而焉耆王舜舜子忠獨謀悖逆恃其險隘覆沒都護并及吏士先帝重元元之命憚兵役之興故使軍

司馬班超安集于賓日西超遂踰葱嶺迄縣度出入二十二年莫不賓從改立其王而綏其人不動中國不煩戎士得遠夷之和同異俗之心而致天誅蠲宿恥以報將士之讐司馬法曰賞不踰月欲人速覩爲善之利也其封超爲定遠侯邑千戶

後漢班超傳

日食選郎官詔

七年四月辛亥

元首不明化流無良政失于民謫見于天漢惟庶事五教在寬是目舊典因孝廉之舉目求其人有司詳選郎官寬博有謀才任典

城者三十人

後漢和紀

減罪詔

八年八月

郡國中都官繫囚減死一等詣敦煌戍其犯大逆募下蠶室其女子宮自死罪已下至司寇作及亡命者八贖各有差

後漢和紀

蝗災罪已詔

九月

蝗蟲之異殆不虛生萬方有罪在予一人而言事者專咎自下非

助我者也。朕寤寐惻矜，思弭憂懼。昔楚嚴無災而懼，成王出郊而反風，將何目匡朕不逮。已塞災變，百僚師尹，勉修厥職。刺史二千石，詳刑辟理冤虐，恤鰥寡，矜孤弱，思惟致災興蝗之咎。後漢和紀

蝗災免租詔 九年六月戊辰

今年秋稼爲蝗蟲所傷，皆勿收租，更芻糞。若有所損失，以實除之。餘當收租者，亦半入。其山林饒利，陂池漁採，已贍元元，勿收假稅。

後漢和紀

手詔報張酺 閏八月

禮臣子無貶親之義。今皇太后家雖不遵法度，然常欲自減損。奉事十年，恩不忍虧。案前世上官太后亦奉終義，從其勿復議。袁宏後漢

紀十四太尉張酺上依呂太后故事

貶竇太后尊號勿葬敬陵上手報酺
竇氏雖不遵法度，而太后常自減損。朕奉事十年，深惟大義。禮臣子無貶尊上之文，恩不忍離。義不忍虧。案前世上官太后亦無降

黜其勿復議

後漢竇皇后紀與袁宏紀小異

詔答張酺

元首不明黎民困窮朕與君同其憂責豈可引退邪其勿復言

後漢紀

十四

詔追封梁竦

十月

制詔三公大鴻臚曰夫孝莫大于尊尊親親其義一也詩云父兮生我母兮鞠我撫我畜我長我育我顧我復我出入腹我欲報之德昊天罔極朕不敢與事覽于前世太宗中宗實有舊典追命外祖曰篤親親其追封諡皇太后父竦爲褒親愍侯比靈文順成侯魂而有靈嘉斯寵榮好爵顯服曰慰母心

後漢梁竦傳

疏導溝渠詔

十年三月壬戌

隄防溝渠所目順助地理通理壅塞今廢慢懈弛不目爲負刺史二千石其隨宜疏導勿因緣妄發目爲煩擾將顯行其罰

後漢和紀

聽劉憲嗣爵詔 十年

故居巢侯劉般嗣子愷當襲般爵而稱父遺意致國弟憲遁亡七年所守彌篤蓋王法崇善成人之美其聽憲嗣爵遭事之宜後不得目爲比

後漢劉愷傳

免刑徒詔 十一年二月

郡國中都官徒及篤癰老小女徒各除半刑其未竟三月者皆免

歸後漢和紀

禁踰僭詔 十一年七月辛卯

吏民踰僭厚死傷生是曰舊令節之制度頃者貴戚近親百僚師尹莫肯率從有司不舉怠放日甚又商賈小民或忘法禁奇巧靡貨流積公行其在位犯者當先舉正市道小民但且申明憲綱勿因科令加虐羸弱

後漢和紀

卹災民詔 十二年二月

貸被災諸郡民種糧賜下貧鰥寡孤獨不能自存者及郡國流民聽入陂池漁采後漢和紀曰助蔬食

擇良吏詔

十二年三月丙申

比年不登百姓虛匱京師去冬無宿雪今春無澍雨黎民流離困于道路朕痛心疾首靡知所濟瞻仰昊天何辜今人三公朕之腹心而未獲承天安民之策數詔有司務擇良吏今猶不改競惟苛暴侵愁小民曰求虛名委任下吏假執行邪是曰令下而姦生禁至而詐起巧法新律飾文增辭貨行于言罪成乎手朕甚病焉公卿不思助明好惡將何曰救其咎罰咎罰既至復令災及小民若上下同心庶或有瘳其賜天下男子爵人二級三老孝悌力田三級民無名數及流民欲占者人一級鰥寡孤獨篤癡貧不能自存者粟人三斛後漢和紀

賑貸象林民詔

十三年八月

象林民失農桑業者賑貸種糧稟賜下貧穀食

後漢和紀

令天下半入田租詔

十三年九月壬子

荊州比歲不節今茲淫水爲害餘雖頗登而多不均浹

已上四句袁宏紀作

水旱不節蝗螟茲生

深惟四民農食之本慘然懷矜其令天下半入今年田

租芻稟有宜已實除者如故事貧民假種食皆勿收責

後漢和紀又略見哀

宏後漢紀十四

緣邊舉孝廉詔

九月丙辰

幽并涼州戶口率少邊役眾劇東修良吏進仕路狹撫接夷狄已人爲本其令緣邊郡口十萬已上歲舉孝廉一人不滿十萬二歲

舉一人五萬已下三歲舉一人

後漢和紀

復象林詔

十四年七月

復象林縣更賦田租芻稟二歲

後漢和紀

令充豫荊州半入田租詔

十四年十月

充豫荊州今年水雨淫過多傷農功其令被害什四已上皆半入田租芻橐其不滿者已實除之

後漢和紀

班刻漏箭詔

十四年十一月甲寅

告司徒司空漏所目節時分定昏明昏明長短起于日去極遠近日道周圍不可目計率分當據儀度下參晷景今官漏目計率分昏明九日增減一刻違失其實至爲疏數目耦法太史待詔霍融上言不與天相應太常史官運儀下水官漏失天者至三刻已晷景爲刻少所違失密近有驗今下晷景漏刻四十八箭立成斧官府當用者計吏到班予四十八箭

續漢律厯志中宋書厯志二

稟流民詔

十五年閏正月

流民欲歸還本而無糧食者過所實稟之疾病加致醫藥其有不

欲還鄉者勿強

後漢和紀

畱諸王侯詔

四月

甲子之異責由一人諸王幼稚早離顧復弱冠相育常有蓼莪凱

風之哀選懦之恩知非國典且復須畱

後漢清河孝王慶傳

詔報張禹

十一月

祠謁既訖當南禮大江會得君奏臨漢同輿而旋

後漢張禹傳

貸種糧詔

十六年正月

貧民有田業而曰匱乏不能自農者貸種糧

後漢和紀

因災禁沽酒詔

二月

兗豫徐冀四州比年雨多傷稼禁沽酒

後漢和紀

察苛吏詔

十六年七月

今秋稼方穗而旱雲雨不霑疑吏行慘刻不宣恩澤妄拘無罪幽

閉良善所致其一切囚徒于法疑者勿決曰奉秋令方察煩苛之

吏顯明其罰

後漢和紀

量除田租詔

七月辛巳

令天下皆半入今年田租芻粟其被災害者曰實除之貧民受貧

種糧及田租芻粟皆勿收責

後漢和紀

賜鄭璩詔示官府

已下年月未詳

璩盡節剛正亦何陵遲之有賜璩素六十匹

引東觀漢記

賜彭城王恭詔

年月未詳

皇帝問彭城王始夏無恙蓋聞堯親九族萬國協和書典之所美也下邳王被病沈滯之疾昏亂不明家用不寧姬妾適庶諸子分爭紛紛至今前太子叩頑凶失道陷于大辟是後諸子更相誣告迄今適嗣未知所定朕甚傷之惟王與下邳王恩義至親正此國嗣非王而誰禮重適庶之序春秋之義大居正孔子曰惟仁者能好人能惡人貴仁者所好惡得其中也太子國之儲嗣可不慎歟王其差次下邳諸子可爲太子者上名將及景風拜受印綬焉

後漢下邳惠王衡傳

注引東觀記

敕太官勿受獻詔

遠國珍羞本曰薦奉宗廟苟有傷害豈愛民之本其敕太官勿復

受獻

後漢和紀舊南海獻龍眼荔枝支十里一置五里一俵奔騰險阻死者繼路臨武長唐羌上書陳狀帝下詔

敕張酺子蕃

九年

陰陽不和萬人失所朝廷望公思惟得失與國同心而託病自繫求去重任誰當與吾同憂責者非有望于斷金也司徒固疾司空

牟老公其偃僕勿露所敕

後漢張酺傳

策鄧彪爲太傅錄尚書事

故太尉鄧彪元功之族三讓彌高海內歸仁爲羣賢首其曰彪爲太傅錄尚書事百官總已曰聽庶得專位內之事

北堂書鈔五十九執文類聚

十初學記十一御覽二百十並引應劭漢官儀

策免韋彪

章和二年夏

彪曰將相之裔勤身飭行出自州里在位歷載中被篤疾連上求

退君年在耆艾不可復召加贈恐職事煩碎重有損焉其上大鴻臚印綬其遣太子舍人詣中藏府受賜錢二十萬

後漢書
龐參傳

策免張輔

永元十二年九月

詩云節彼南山惟石巖巖赫赫師尹民具爾瞻今君在位八年于茲康哉之歌既無聞焉而于兩觀之下有醜慢之章傷南山之體虧穆穆之風將何日宣示四方儀刑百僚履霜知冰朕甚懼焉君其上太尉印綬君自取之靡有後言

袁宏後漢
紀十四

安帝

帝諱祜章帝孫延平元年八月殤帝崩奉迎拜長安侯尋卽位

改元五永初元初永寧建光延光在位十九年諡曰孝安皇帝

廟號恭宗

案安帝永寧二年以前鄧后臨朝
凡詔敕稱太后者皆編入鄧后集

禁長吏無故去職詔

永初元年九月丁丑

自今長吏被考竟未報自非父母喪無故輒去職者劇縣十歲平

縣五歲目上乃得次用

後漢安紀

求言詔

二年七月戊辰

昔在帝王承天理民莫不據璇璣玉衡曰齊七政朕曰不德遵奉大業而陰陽差越變異竝見萬民饑流羌貊叛戾夙夜克己憂心京京間令公卿郡國舉賢良方正遠求博選開不諱之路冀得至謀曰鑒不逮而所對皆循尚浮言無卓爾異聞其百僚及郡國吏人有道術明習災異陰陽之度璇璣之數者各使指變目聞二千石長吏明曰詔書博衍幽隱朕將親覽待目不次冀獲嘉謀曰承天誠

後漢安紀

令王國官得外補詔

九月庚子

王主官屬墨綬下至郎謁者其經明任博士居鄉里有廉清孝順之稱才任理人者國相歲移名與計偕上尚書公府通調令得外

補

後漢安紀

詔公卿三年三月壬辰

朕曰幼冲奉承鴻業不能宣流風化而感逆陰陽至今百姓饑荒更相噉食永懷悼歎若墜淵冰咎在朕躬非羣司之責而過自貶引重朝廷之不德其務思變復曰助不逮

後漢安紀

詔種麥三年七月

長吏案行在所皆令種宿麥蔬食務盡地力其貧者給種餉

後漢安紀

除三輔逋租詔

四年正月

三輔比遭寇亂人庶流冗除三年逋租過更口筭芻橐橐上郡貧民各有差

後漢安紀

免徙邊及奴婢詔二月乙亥

自建初以來諸祲言它過坐徙邊者各歸本郡其沒入官爲奴婢者免爲庶人

後漢安紀又略見袁宏後漢紀十六

詔校定東觀書

同上

謁者劉珍及五經博士校定東觀五經諸子傳記百家藝術整齊

脫誤是正文字

後漢安紀

年饑詔四年

比年饑加有軍旅嚮者衛且勿設戲作樂正旦無陳充庭車

北堂書鈔

一百五十六

引續漢書永初

四年詔

案此詔有脫誤

選舉詔

五年閏三月戊戌

朕曰不德奉郊廟承大業不能興和降善爲人祈福災異蜂起寇賊縱橫夷狄猾夏戎事不息百姓匱乏疲于徵發重曰蝗蟲滋生害及成麥秋稼方收甚可悼也朕曰不明統理失中亦未獲忠良曰毗闕政傳曰顛而不扶危而不持則將焉用彼相矣公卿大夫將何曰匡救濟斯艱戾承天誠哉蓋爲政之本莫若得人褒賢顯善聖制所先濟濟多士文王曰寧思得忠良正直之臣曰輔不逮其令三公特進侯中二千石二千石郡守諸侯相舉賢良方正有

道術達于政化能直言極諫之士各一人及至孝行與眾卓異者
竝遣詣公車朕將親覽焉

後漢
安紀

紹封二十八將子孫詔

六年

夫仁不遺親義不忘勞興滅繼絕善善及子孫國之典也昔我光
武受命中興恢弘聖緒橫被四表昭假上下光耀萬世祉祚流衍
垂于罔極予末小子夙夜永思追惟勳烈披圖案籍建武元功二
十八將佐命虎臣識記有徵蓋蕭曹紹封傳繼于今況此未遠而
或至乏祀朕甚愍之其餘二十八將無嗣絕世若犯罪奪國其子
孫應當統後者分別署狀上將及景風章敘舊德顯茲遺功焉

後漢
馮異
傳

蝗災詔

元初二年五月甲戌

朝廷不明庶事失中災異不息憂心惶懼被蝗日來七年于茲而
州郡隱匿裁言頃畝今羣飛蔽天爲害廣遠所言所見宜相副邪

三司之職內外是監既不奏聞又無舉正天災至重欺罔辜大令方盛夏且復假貸目觀厥後其務稍救災責安輯黎元

後漢安紀

徙罪人詔十月

郡國中都官繫囚減死一等勿笞詣馮翊扶風屯妻子自隨占著所在女子勿輸亡命死罪目下贖各有差其吏人聚爲盜賊有悔過者除其罪

後漢安紀

霖雨詔四年七月辛丑

今年秋稼茂好垂可收穫而連雨未霽懼必淹傷夕惕惟憂思念厥咎夫霖雨者人怨之所致其武吏目威暴下文吏妄行苛刻鄉吏因公生姦爲百姓所患苦者有司顯明其罰又月令仲秋養稷老授几杖行糜粥方今按比之時郡縣多不奉行雖有糜粥糠粃泥土相和半不可飲食

案今本後漢書作糠粃相半依宋志及通典補

長吏怠事莫有躬

親甚違詔書養老之意其務崇仁恕賑護寡獨稱朕意焉

後漢安帝紀

書禮志四又見
通典六十七

重申制度科品詔 五年七月丙子

舊令制度各有科品欲令百姓務崇節約遭永初之際人離荒屨朝廷躬自菲薄去絕奢飾食不兼味衣無二綵比年雖獲豐穰尚乏儲積而小人無慮不圖久長嫁娶送終紛華靡麗至有走卒奴婢被綺縠著珠璣京師尚若斯何曰示四遠設張法禁懇惻分明而有司情任訖不奉行秋節既立鷙鳥將用且復重申曰觀後效

後漢
安紀

賑貧民表貞婦詔 六年十二月乙卯

夫政先京師後諸夏月令仲春養幼小存諸孤季春賜貧窮賑乏絕省婦使表貞女所曰順陽氣崇生長也其賜人尤貧困孤弱單獨穀人三斛貞婦有節義十斛甄別門閭旌顯厥行

後漢
安紀

賜豫州刺史馮煥詔

元初七年

告豫州刺史馮煥今

下

常爲效用邊將統御

下

內曰威恩撫

喻杜

下

去年鮮卑連犯郭塞

下

過掩卒搗擊無距捍

下

率

下

率

攝太守曰下進退

下

曾不表罪誅多擁

下

麗王宮僣輕狡猾

下

當所謂

下

當所謂

下

當所謂

設訖不定決

下

月左右欲來犯法

下

北顧傷心

下

煥有

下

煥有

下

煥有

下

煥有

冀煥能竭心盡慮有

下

上如不從化督錄部

下

惟前後詔

下

惟前後詔

下

惟前後詔

下

惟前後詔

書曰前人

下

侍御史便宜數上

下

元初六年十二月

下

元初六年十二月

下

元初六年十二月

下

元初六年十二月

禁夜行詔

下

永寧元年

下

永寧元年

下

永寧元年

下

永寧元年

下

永寧元年

鐘鳴漏盡洛陽城中不得有行者

下

文選鮑明遠放歌行注

下

文選鮑明遠放歌行注

下

文選鮑明遠放歌行注

下

文選鮑明遠放歌行注

下

文選鮑明遠放歌行注

詔貶樂成王萇

下

建光元年四月甲子

下

建光元年四月甲子

下

建光元年四月甲子

下

建光元年四月甲子

下

建光元年四月甲子

萇有覲其面而放逸其心知陵廟至重承繼有禮不惟致敬之節

肅穆之愼乃敢擅損犧牲不備茲芬出入顛覆風淫于家聘取人

妻饋遺婢妾毆擊吏人專已凶暴愆罪莫大甚可恥也朕覽八辟

之議不忍致之于理其貶裴爵爲臨湖侯朕無則哲之明致簡統

失序罔已慰承太姬增懷永歎

後漢樂成靖王黨傳

詔高句驪

延光元年七月

遂成等桀逆無狀當斬斷菹醢旨示百姓幸會赦令乞罪請降鮮卑滅貊連年寇鈔驅略小民動旨千數而裁送數十百人非向化之心也自今已後不與縣官戰鬪而自已親附送生口者皆與贖

直縑人四十匹小口半之

後漢東夷傳

舉刺史旨下詔

八月己亥

三公中二千石舉刺史二千石令長相視事一歲自上至十歲清白愛利能救身率下防姦理煩有益于人者無拘官簿刺史舉所部郡國太守相舉墨綬隱親悉心勿取浮華

後漢安紀

脅羣臣廢太子詔

三年九月

父子一體天性自然已義割恩爲天下也歷諷等不識大典而與

羣小共爲謹譁外見忠直而內希後福飾邪違義豈事君之禮朝廷廣開言事之路故且一切假貸若懷迷不反當顯用刑書

策罷司空張敏

永初六年四月乙丑

今君所苦未瘳有司奏君年體衰羸郊廟禮儀仍有曠廢鼎足之任不可呂缺重呂職事畱君其上司空印綬

後漢張敏傳注引東觀記

策司徒夏勤

維元初六年三月甲子

案安紀永初三年四月丙寅呂大鴻臚夏勤爲司徒元初二年十二月己酉罷疑此

有制詔以大鴻臚勤爲司徒曰朕承天序惟稽古建爾于位爲漢輔往率舊職敬敷五教五教在寬左右朕躬宣力四表保乂皇家於戲實惟秉國之均旁祗厥緒時亮天工可不慎與勤其戒之

續漢

禮儀志中注補引丁字漢儀又見通典七十一

策徵郎宗等

年月未詳

郎宗李嵩孔喬等前此徵命未肯降意恐主者玩弄禮意不備使

難進易退之人龍潛不屈其身各致嘉禮遣詣公車將已補察國

政輔朕之不逮

後漢樊英傳
注引謝承書

敕司隸校尉冀并二州刺史

永初元年十一月

民訛言相驚棄捐舊居老弱相攜窮困道路其各敕所部長吏躬親曉諭若欲歸本郡在所爲封長檄不欲勿强

後漢
安紀

賜進士出身二品銜廣東等處提刑按察使司按察使兼管驛傳事務黃國王毓藻校刊

全後漢文卷六終

全後漢文卷七

烏程嚴可均校輯

順帝

帝諱保，安帝子。永寧元年立爲皇太子。延光三年廢爲濟陰王。明年安帝崩，徵濟北王子北鄉侯懿入嗣，尋薨，奉迎卽位。改元五，永建、陽嘉、永和、漢安、建康。在位十九年，諡曰孝順皇帝，廟號敬宗。

封孫程等十九侯詔

延光四年十一月辛巳

夫表功錄善，古今之通義也。故中常侍長樂太僕江京、黃門令劉安、鉤盾令陳達，與故車騎將軍閭顯兄弟謀議惡逆，傾亂天下。中黃門孫程、王康、長樂太官丞王國、中黃門黃龍、彭、豐、孟叔、李建、王成、張賢、史汎、馬國、王道、李元、楊佗、陳子、趙封、李剛、魏猛、苗光等懷忠憤發，戮力協謀，遂歸滅元惡，已定王室。詩不云乎：無言不讎，無

德不報程爲謀首康國協同其封程爲浮陽侯食邑萬戶康爲華容侯國爲酈侯各九千戶黃龍爲湘南侯五千戶彭愷爲西平昌侯孟叔爲中廬侯李建爲復陽侯各四千二百戶王成爲廣宗侯張賢爲祝阿侯史汎爲臨沮侯馬國爲廣平侯王道爲范縣侯李元爲褒信侯楊佗爲山都侯陳子爲下雋侯趙封爲析縣侯李剛爲枝江侯各四千戶魏猛爲夷陵侯二千戶苗光爲東阿侯千戶

後漢孫程傳

舉賢良詔 十二月辛亥

朕已不德纂承洪緒今陰陽不和疾疫爲害思聞忠正已匡不逮其令三公卿士舉賢良方正能直言極諫之士各一人

後漢紀十七

大赦詔

永建元年正月甲寅

先帝聖德享祚未永早棄鴻烈茲慝緣開人庶怨譴上千和氣疫癘爲災朕奉承大業未能寧濟蓋至理之本稽弘德惠蕩滌宿惡

與人更始其大赦天下賜男子爵人二級爲父後三老孝悌力田人三級流民欲自占者一級鰥寡孤獨篤癯貧不能自存者粟人五斛貞婦帛人三匹坐法當徙勿徙亡徒當傳勿傳宗室已罪絕皆復屬籍其與閭顯江京等交通者悉勿考勉修厥職曰康我民

後漢
順紀

免租詔十月甲辰

朕已不德統承大業虐氣流行厲疾爲災重已水潦秋稼漂沒每州郡所出惻然自刻其令當輸今年租者一切勿責

後漢紀
十八

增封東海王臻詔二年

東海王臻以近蕃之尊少襲王爵膺受多福未知艱難而能克己率禮孝敬自然事親盡愛送終竭哀降儀從士寢苦三年和睦兄弟恤養孤弱至孝純備仁義兼弘朕甚嘉焉夫勸善厲俗爲國所先曩者東平孝王敞兄弟行孝喪母如禮有增戶之封詩云永世

克孝念茲皇祖今增臻封五千戶儉五百戶光啟土宇已酬厥德

後漢東海恭王璠傳

詔南陽太守二年

詔書告南陽太守五官中郎將樊英委榮辭祿不降其節志不可奪今已英爲光祿大夫賜還家在所縣給穀千斛常已八月存問

高年時致羊一頭酒三斛如前世故事如有不幸祠以中牢

後漢樊英

傳後漢紀十八又見藝文類聚四十九御覽二百四十三引樊英別傳

卹地震災民詔三年正月甲午

實覈傷害者賜年七歲已上錢人二千一家被害郡縣爲收斂

後漢

順紀

免漢陽田租詔正月乙未

京師地動漢陽尤甚加已比年民饑饉夙夜恹懔羣公卿士其深思古典有已消災復異救此下民忠信嘉謀靡有所諱其勿收漢

陽今年田租

後漢紀十八

大赦詔

四年正月丙寅

朕託王公之上，涉道日寡，政失厥中，陰陽氣隔，寇盜肆暴，庶獄彌繁，憂悴永歎，疾如疾首。詩云：「君子如祉，亂庶遄已。」三朝之會，朔旦立春，嘉與海內，洗心自新，其赦天下，從甲寅赦令。自來，復秩屬籍，三年正月已來還贖，其閭顯江京等，知識婚姻禁錮，一原除之。務崇寬和，敬順時令，遵典去苛，已稱朕意。

後漢順紀

封還大珠詔

五月壬辰

海內頗有災異，朝廷修政，太官減膳，珍玩不御，而桂陽太守文驚不惟竭忠，宣暢本朝，而遠獻大珠，曰求幸媚。今封已還之。

後漢順紀

令冀部勿收田租詔

六年十一月辛亥

連年災療，冀部尤甚，比蠲除實傷，贍恤窮匱，而百姓猶有棄業流亡不絕，疑郡縣用心怠惰，恩澤不宣，易美損上益下，書稱安民則

惠其令冀部勿收今年田租芻粟

後漢順紀

祈雨詔

陽嘉元年二月甲戌

政失厥和陰陽隔并冬鮮宿雪春無澍雨分禱祈請靡神不祭深恐在所慢違如任之義今遣侍中王輔等持節分詣岱山東海滎陽河洛盡心祈焉

後漢順紀

改元陽嘉恩詔

三月庚寅

宗室絕屬籍者一切復籍粟冀州尤貧民勿收今年更租口賦

後漢

順紀

太學新成詔

七月丙辰

試明經者補弟子增甲乙之科員各十人除京師及郡國耆儒年六十已上爲郎舍人諸王國郎者百三十八人

後漢左雄傳陽嘉元年太學新成詔

云云

減死贖罪詔

九月

郡國中都官繫囚皆減死一等亡命者贖各有差

後漢順紀

狼災詔

十一月甲申

災暴緣類符驗不虛政失厥中狼災爲應至乃殘食孩幼朝廷愍悼思維咎徵博訪其故山嶽尊靈國所望秩而遂比不奉祠怠慢廢典不務懇惻淫刑放濫害加孕婦毒流未生感和致災其詳思改救追復所失有不遵憲舉正目聞

續漢五行志一注補後漢順紀注並引東觀書中山相朱

遂到官不出奉

洞北獄詔云云

簡覈刺史二千石詔

閏十二月辛卯

閒者目來吏政不勤故災咎屢臻盜賊多有退省所由皆曰選舉不實官非其人是曰天心未得人情多怨書歌股肱詩刺三事今刺史二千石之選歸任三司其簡序先後情覈高下歲月之次文

武之宜務存厥衷

後漢順紀

貸災詔

二年二月甲申

吳郡會稽饑荒貸人耕種

後漢順紀

地震求直言詔

五月庚子

朕曰不德統奉鴻業無曰奉順乾坤協序陰陽災眚屢見咎徵仍臻地動之異發自京師矜矜祗畏不知所裁羣公卿士將何曰匡輔不逮奉答戒異異不空設必有所應其各悉心

袁宏紀作各舉數林士各一人

直言厥咎靡有所諱

後漢順紀又略見袁宏後漢紀十八

下詔徵楊倫詣廷尉

二年

倫出幽升喬寵曰藩傳稽留王命擅止道路託疾自從苟肆猖志

後漢楊倫傳

大赦詔

三年五月戊戌

昔我大宗丕顯之德假于上下儉曰恤民政致康乂朕秉事不明政失厥道天地譴怒大變仍見春夏連旱寇賊彌繁元元被害朕甚愍之嘉與海內洗心更始其大赦天下自殊死曰下謀反大逆

諸犯不當得赦者皆除之賜民年八十以上米人一斛肉二十斤

酒五斗九十以上加賜帛人二匹絮三斤

後漢順紀

詔中官

四年二月丙子

自今中官得曰養子爲後

袁宏後漢紀十八

宦官養子悉聽得爲後襲封爵定著乎令

後漢孫程傳

日食詔

閏八月

朕目不德謫見于天零陵言日食京師不覺

後漢順紀注引東觀

詔問加諡北鄉侯

永和元年正月己巳

言事者多云昔周公攝天子事及薨成王欲曰公禮葬之天爲變

動及更葬曰天子之禮卽有反風之應

通典作天卽反風歲卽大孰

北鄉侯親

爲天子而葬曰王禮故數有災異宜加尊諡列于昭穆與木主否

後漢周舉傳袁宏後漢紀十八通典八十

地震詔上封事

正月乙卯

朕秉政不明災眚屢臻典籍所忌震食爲重今日變方遠地搖京師咎徵不虛必有所應羣公百僚其各上封事指陳得失靡有所

諱

後漢順帝紀

封馬賢孫詔永和六年十二月

故將軍馬賢前伐西夷剋敵深入父子三人同命其曰漢中南鄭之武陽亭封賢孫承先爲武陽亭侯食租稅

東觀漢記

下詔告河南尹

漢安元年

故長陵令張楷行募原憲操擬夷齊輕貴樂賤竄跡幽蔽高志確然獨拔羣俗前此徵命盤桓未至將主者翫習于常優賢不足使其難進歟郡時曰禮發遣

後漢張楷傳

拜張綱子續爲郎中詔

二年

故廣陵太守張綱大臣之苗剖符統務正身導下班宣德信降集劇賊張嬰萬人息干戈之役濟蒸庶之困未升顯爵不幸早卒嬰

等纓杖若喪考妣朕甚愍焉拜綱子續爲郎中賜錢百萬

後漢張綱傳

贈沛王廣祖母周妃詔

漢安中

沛王祖母太夫人周秉心淑慎導王曰仁使光祿大夫贈曰妃印

綬

後漢沛獻王輔傳

按行地震詔

建康元年正月辛丑

隴西漢陽張掖北地武威武都自去年九月以來地百八十震山谷坼裂壞敗城寺殺害民庶夷狄叛逆賦役重數內外怨曠惟咎歎息其遣光祿大夫案行宣暢恩澤惠此下民勿爲煩擾

後漢順紀

遺詔八月

死則委尸原野

文選顏延之陽給事諫注引司馬彪續漢書

無起寢廟斂已故服珠玉玩好皆不得下

後漢順紀又見袁宏後漢紀十九

孝廉限年令

陽嘉元年十一月辛卯

郡國舉孝廉限年四十以上諸生通章句文史能牋奏乃得應選

其有茂才異行若顏淵子奇不拘年齒

後漢順紀

冊袁良爲梁相

頃者連遇運害災條備至陰陽不和寒暑不節昔孔子制義承奉
則有興盛之福慢期卽致來咎之變朕曰眇身襲裘繼業二九之
戒今直其際圖記占口恆在藩國自先帝至德猶有七國之謀蓋
治世者不諱其難朕追寤社稷之重恐有交會諸國王侯開導曰
驕滿之漸令姦邪因緣生慝相曰顯選簡練內升昔掌符竟惠撫
我民故連拔授不問勛次典郡職重親執經緯隱括在手往者王
尊發縱于平陽清約藩輔其節衍然忠臣之義有獻善去否其加
精微測切防繇朕疚心曰戒今特賜錢十萬雜繪卅匹玉具劔佩
書刀繡文印衣無極手巾各一往悉乃心勉崇協同便宜數上

釋

袁良碑

策祠楊震

故太尉震，正直是與，俾匡時政，而青蠅點素，同茲在藩。上天降威，災眚屢作，爾卜爾筮，惟震之故。朕之不德，用彰厥咎。山崩棟折，我其危哉！今使太守丞以中牢具祠，魂而有靈，儻其歆享。後漢楊震傳

會葬宋漢策 永建中

太中大夫宋漢，清修雪白，正直無邪，前在方外，仍統軍實，懷柔異類，莫匪嘉績。戎車載戢，邊人用寧。予錄乃勳，引登九列，因病退讓，守約彌堅。將授三事，未尅而終。朝廷愍悼，恆其愴然。詩不云乎：肇敏戎功，用錫爾祉。其令將相大夫會葬，加賜錢十萬，及其在殯，已全素絲羔羊之潔焉。後漢宋宏傳

策問周舉 陽嘉三年

朕曰不德，仰承三統，夙興夜寐，思協大中。頃年已來，旱災屢應，稼穡焦枯，民食乏困，五品不訓，王澤未流。羣司素餐，據非其位，審所貶黜，變復之徵，厥効何由？分別具對，勿有所諱。後漢周舉傳

敕禱雨

陽嘉元年二月庚申

郡國二千石各禱名山嶽瀆道大夫謁者詣嵩高首陽山并祠河

洛請雨

後漢順帝紀

桓帝

帝諱志章帝曾孫襲父翼爵蠡吾侯本初元年閏六月質帝遇

弒奉迎卽位改元七建和和平元嘉永興永壽延熹永康在位

二十一年諡曰孝桓皇帝廟號威宗

案和平元年正月以前諸令編入順烈梁后卷內

贈中常侍曹騰費亭侯制

制曰

缺

中常侍費亭侯曹騰騰見克

缺

先帝能自奮拔于險

阻之中不陷乎羣小害己之譖遂亦□□□□前後策謀□□

進賢納□踐阼之初受爵于東土厥功章然騰守足退居約身自

持遭離母憂孝行純篤□慎禮紀喪能過哀服祥有不忍遠離之

恩情□感病毀性早薨朕甚閔焉詩曰靡不有初鮮克有終騰能

終之春秋之義旌口采介已勸爲善及其在殯使兼諫議大口口
口口口特進贈費亭侯印綬魂而有靈嘉其寵榮嗚呼哀哉

釋

十五曲
騰碑陰

尊區貴人爲孝崇皇后詔

和平元年

博陵園區貴人覆高明之懿德容美淑之嘉會與天合靈篤生朕
躬欲報之德詩所感歎今已貴人爲孝崇皇后

官輯本東觀漢記

已胡憲等爲太子舍人詔

元嘉二年

書生汝南胡憲陳畱恭幸爽或六十已下常已月朔會辟雍垂白
安貧童子潁川王口通經拜太子舍人

通典五十三案此詔不他見恭幸爽必有衍誤姑

依通典舊刻本錄之

申明輿服制度詔

永興二年二月

比者星辰繆越坤靈震動災異之降必不空發敕已修政庶望有
補其輿服制度有踰侈長飾者皆宜損省郡縣務存儉約申明舊

令如永平故事

後漢桓紀

令種蕪菁詔

六月

詔司隸校尉部刺史曰蝗災爲害水變仍至五穀不登人無宿儲其令所傷郡國種蕪菁以助人食

後漢桓紀

禁郡國賣酒詔

九月丁卯

朝政失中雲漢作旱川靈涌水蝗蟲孽蔓殘我百穀太陽虧光饑饉荐臻其不被害郡縣當爲饑餓者儲天下一家趣不糜爛則爲國寶其禁郡國不得賣酒祠祀裁足

後漢桓紀

卹太山琅邪難民詔

永壽元年六月

太山琅邪遇賊者勿收租賦復更算三年

後漢桓紀永興二年冬公孫舉反叛殺長吏至

是下

洛水溢下詔

同上

被水死流失屍骸者令郡縣鉤求收葬及所唐突壓溺物故七歲

自上賜錢人二千，壞收廬舍，亡失穀食，尤貧者粟人二斛。

後漢桓紀

封諡樊重詔

永壽三年十月

存善繼絕，食積德貞。武騎都尉樊演，高祖父重，自光武皇帝元舅，扶助中興，追封壽張侯。諡曰敬祖。父茂，封冠軍平望鄉侯。五國竝建，其二絕者，嗣之。

東觀漢記：桓帝永壽三年十月，幸雲夢，至新野，公主壽張敬侯主廟乙丑諡。

遣居車兒還單于詔

延熹元年

春秋大居正居車兒，一心向化，何罪而黜？其遣還單于。

後漢南匈奴傳

追贈中常侍樊安詔

延熹元年八月

制詔中常侍樊安，宿衛歷年，恭恪淑慎，嬰被疾病，不幸蚤終。今使湖陽邑長劉操，追號安爲騎都尉，贈印綬，魂而有靈，嘉茲寵榮，嗚呼哀哉！

魏書六
樊安碑

封單超等詔

二年八月

梁冀奸暴，濁亂王室。孝質皇帝聰敏早茂，冀心懷忌畏，私行殺毒。

永樂太后親尊莫二冀又遏絕禁還京師使朕離母子之愛隔顧復之恩禍害深大罪釁日滋賴宗廟之靈及中常侍單超徐璜貝瑗左悺唐衡尚書令尹勳等激憤建策內外協同漏刻之間桀逆梟夷斯誠社稷之祐臣下之力宜班慶賞以酬忠勳其封超等五人爲縣侯勳等七人爲亭侯

後漢桓紀

封黃瓊伉鄉侯詔

十二月

太尉黃瓊清儉不撓數有忠蹇加曰典謀漢奧有師傅之義連在三司不阿權貴疾風知勁艸朕甚嘉焉其封瓊伉鄉侯

袁宏後漢紀二十一

封張彪鮑吉詔

三年五月甲戌

汝南太守張彪故河南尹鮑吉與朕有潛龍之舊皆封列侯

袁宏後漢紀二十一

紀二十一又見北堂書鈔四十八桓帝卽位詔曰吉與朕有龍潛之舊其封西鄉侯又御覽二百十引魯國先賢志與書鈔同

因水旱減奉詔

五年七月

減虎賁羽林住寺不任事者半奉勿與冬衣其公卿以下給冬衣

之半

後漢
桓紀

詔策車騎將軍馮緄

五年

蠻夷猾夏久不討攝各焚都城蹈藉官人州郡將吏死職之臣相逐奔竄曾不反顧可愧言也將軍素有威猛是日擢授六師前代陳湯馮傳之徒已寡擊眾郅支夜郎樓蘭之戎頭懸都街衛霍北征功列金石是皆將軍所究覽也今非將軍誰與修復前迹進赴之宜權時之策將軍一之出郊之事不復內御已命有司祖于國門詩不云乎進厥虎臣闕如虓虎敷敦淮潰仍執醜虜將軍其勉之

後漢馮
緄傳

贈朱穆益州刺史詔

六年四月

制詔尙書朱穆立節忠亮世篤爾行虔恪機任守死善道不幸而卒朝廷閔焉今使權謁者中郎楊資贈穆益州刺史印綬魂而有靈嘉其寵榮嗚呼哀哉

蔡中郎集朱
公叔鼎銘

旱災盜賊郡免租詔 九年正月己酉

比歲不登人多饑窮又有水旱疾疫之困盜賊徵發南州尤甚災異日食譴告累至政亂在予仍獲咎徵其令大司農絕今歲調度徵求及前年所調未畢者勿復收責其災旱盜賊之郡勿收租餘郡悉半入 後漢桓紀

詔從事中郎應奉 延熹中

蠻夷叛逆作難積惡放恣鑊中之魚火熾湯盡當悉樵爛百刷國恥朝廷召奉昔守南土威名播越故復式序重任奉之廢興期在于今賜奉錢十萬駁犀方具劍金錯把刀劍革帶各一奉其勉之 後漢應奉傳注引謝承書又御覽三百四十二引同

問段熲東討詔 永康元年

先零東羌造惡反逆而皇甫規張奐各擁強眾不時輯定欲煩移兵東討未識其宜可參思術略 後漢段熲傳

詔報喬玄

年月未詳

邊穀不得妄動。玄擅出于是。玄有汲黯憂民之心。後不曰爲常。

社祭

集太尉喬

玄碑陰

敕司隸冀州賑饑

永壽元年二月

敕州郡賑給貧弱。若王侯吏民有積穀者。一切貸得十分之三。曰

助稟貸。其百姓吏民者。曰見錢雇直。王侯須新租。乃償。

後漢桓紀

祠恭懷皇后祝文

孝曾孫皇帝志使有司臣太常撫夙興夜處。小心畏忌。不墮其身。

一不寧敢用絜牲一元大武柔毛剛鬣。商祭明視。薌苢嘉薦。普淙

鹹醴。豐本明粢醪。用薦耐事于恭懷皇后。尚饗。

續漢祭祀志下注補引丁字漢儀

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷八

烏程嚴可均校輯

靈帝

帝諱宏，章帝玄孫，世封解瀆亭侯。永康元年，桓帝崩，無子，奉迎卽位，改元四建，建寧熹平，光和中平。在位二十二年，謚曰孝靈皇帝。

下三司制

制曰：下太尉、司徒、司空，夫瑞不虛至，災必有緣。朕曰不德，秉統未明，已招妖僞。將何已？昭顯憲法哉！三司任政者也，所當夙夜而各拱默，訖未有聞。將何已？奉答天意，救寧我人。其各悉心思，所崇改務，消復之術，稱朕意焉。

特詔問災變

光和元年七月

後漢蔡邕傳注引漢名臣奏

比災變互生，未知厥咎。朝廷焦心，載懷恐懼，每訪羣公卿士，庶聞

忠言而各存括囊莫肯盡心已邇經學深奧故密特稽問宜披露
失得指陳政要勿有依違自生疑諱具對經術已卓囊封上

後漢
蔡邕

封楊賜等詔

中平二年九月

大司馬楊賜敦德允元忠愛恭懿親已尚書侍講累評張角始謀
禍璽未彰賜陳便宜欲緩誅夷令德既光嘉謀坦然詩不云乎無
德不報無言不讎故褒城君孔霸故太尉黃瓊侍講先帝竝宜受
茅土之封

袁宏後漢
紀二十五

徵處士荀爽等詔

五年九月己未

頃選舉失所多非其人儒法雜揉學道浸微處士荀爽陳紀鄭玄
韓融李楷耽道樂古志行高潔清貧隱約爲眾所歸其已爽等各

補博士

袁宏後漢
紀二十五

手詔姜肱

肱抗凌雲之志，養浩然之氣。曰朕德薄，未肯降志。昔許由不屈，王道爲化夷齊不撓，周德不虧。州郡曰禮優順，勿失其意。後漢姜肱傳注引謝

立宋貴人爲皇后冊文

維建寧四年七月乙未

案後漢書紀作癸丑

制詔皇后之尊，與帝齊體，供奉

天地，祇承宗廟。母臨天下，故有莘興殷，姜任母周。二代之隆，蓋有

內德。長秋宮闕，中宮曠位。宋貴人秉淑媛之懿，體山河之儀，威容

昭曜，德冠後庭。羣寮所咨，人曰宜哉。卜之蓍龜，卦得承乾。有司奏

議，宜稱紱組。曰母兆民，今使太尉襲使持節奉璽綬。通典作紱宗正祖

爲副，立貴人爲皇后。后其往踐爾位，敬宗禮典，肅慎中饋。無替朕

命，永終天祿。

續漢禮儀志中注補引蔡質典儀又見通典五十八

追贈楊賜策

中平二年十月

故司空臨晉侯賜，華嶽所挺，九德純備。三葉宰相，輔國曰忠。朕昔

初載授

後漢紀作受

道帷幄遂階成勲呂陟大猷師範之功昭于内外

庶官之務勞亦勤止七在卿校殊位特進五登衮職弭難又靈雖

受茅土未荅厥勲哲人其萎將誰諮度朕甚懼焉禮設殊等物有

服章今使左中郎將郭儀持節追位特進贈司空驃騎將軍印綬

後漢楊賜傳又見後漢紀二十五有刪節文亦小異

又敕

驃騎將軍官屬司空法駕送至舊塋公卿以下會葬諡曰文烈侯

後漢楊賜傳又後漢紀但有末一語

敕劉焉爲益州牧中平五年

前刺史劉雋卻儉皆貪殘放溢取受狼藉元元無聊呼嗟充野焉

到便收攝行法已示萬姓勿令漏露使癰疽決潰爲國生梗

蜀志劉焉

傳注引漢靈帝紀

少帝

帝諱辯，靈帝長子，養于史道人家，謂之史侯。中平六年四月卽位，改元光熹。八月，改元昭寧。在位六月，董卓廢爲弘農王。

詔袁隗爲太傅，詔

光熹元年四月壬戌

朕曰眇身，君主海內，夙夜憂懼，靡知所濟。夫天地人，道其用在三，必須輔佐。詔其功，後將軍袁隗德量寬重，奕世忠恪。今詔隗爲太傅，錄尚書事。朕且諒闇，委成羣后，各率其職，稱朕意焉。後漢紀二十五

獻帝

帝諱協，字伯和，靈帝中子。中平六年四月，少帝卽位，封爲渤海王。七月，徙封陳留王。九月，卽位，改元永漢。初平興，平建安延康，在位三十一年。禪于魏，封山陽公。青龍二年薨，年五十四。諡曰孝獻皇帝。

詔答王允

初平元年四月

聞王者當修德，而不聞孔子制孝經有此而卻邪者也。

袁宏後漢紀二十六

王允奏太史王立說孝經六隱事令朝
廷行之消卻災邪有益聖躬詔曰云云

詔荅李傕

三年十月

儒前爲弘農王郎中令迫殺我兄誠宜加罪

後漢紀二十七李傕舉博士李儒爲侍中

詔曰

云云

史官免罪詔

四年正月

天道幽遠事驗難明且災異應政而至雖揆道知機焉能無失而

欲歸咎史官益重朕之不德也

後漢紀二十七尚書賈詡奏太史

周忠職所典掌請皆治罪詔曰云云

又見續漢五行志六注補引袁宏紀

詔勿收裴茂之

七月

災異數降陰雨爲害使者銜命宣布恩澤原解輕微庶合天心欲

解冤結而復罪之乎一切勿問

後漢紀二十七李傕表裴茂之擅出因徒獄有姦故宜置干理詔曰云

云又見後

漢董卓傳

試儒生詔

九月

孔子歎學之不講不講則所識日忘矣今耆儒年踰六十去離本土營求糧資不得專業結童入學白首空歸長委農野永絕榮望朕甚愍焉其依科罷者聽爲太子舍人

後漢獻帝紀又見後漢紀二十七有小異

令州郡罷兵詔

初平四年

今海內擾攘州郡起兵征夫勞瘁寇難未弭或將吏不貢因緣討捕侵侮黎民離害者眾風聲流聞震蕩城邑丘牆懼于橫暴貞臣化爲羣惡此何異乎抱薪救焚扇火止沸哉今四民流移託身佗方攜白首于山野棄稚子于溝壑顧故鄉而哀歎向阡陌而流涕飢厄困苦亦曰甚矣雖悔往者之迷謬思奉教于今日然兵連眾結鋒鏑布野恐一朝解散夕見係虜是已阻兵屯據欲止而不敢散也詔書到其各罷遣甲士還親農桑惟留常員吏已供官署慰示遠近咸使聞知

魏志陶謙傳注引吳書

報有司請建長秋宮詔

興平元年二月戊寅

朕稟受不弘，遭值禍亂，未能紹先，目光故典，皇母前薨，未卜宅兆，體章有關，中心如結。三歲之感，蓋不言言。朕雖不能終身思慕，其何忍言後宮之選乎？且須其後。

後漢靈思何后附王美人紀又袁宏後漢紀二十七

考實侯汶詔

七月

未忍致汶于理，可杖五十。

後漢獻帝紀帝使侍御史侯汶出太倉

帝疑賦慝有虛乃親于御座前量試作糜乃知非實使侍中劉艾出讓有司于是尚書令以下皆詣省關謝奏收侯汶考實詔曰云云又見袁宏後漢紀二十七

祿田詔

三輔地不滿千里，而軍師用度非一，公卿已下，不得奏除，其若公

田百畝，石爲率，賦與令各自收其租稅。

續漢百官志五注補引獻帝起居注帝在長安詔諸

喻郭汜詔

二年七月

朕遭艱難，越在西都，感惟宗廟靈爽，何日不歎天下未定，厥心不革。武夫宜威，儒德合謀，今得東移，望遠若近，視險如夷，弘農近郊。

廟勿有疑也。

後漢紀二十八

詔張濟

八月

濟有拔車駕之功。何故無有表而私請邪。一切勿問。

同上

報楊定請侍中尹忠爲長史詔

八月

侍中近侍就非其宜。必爲關東所笑。前在長安。李傕專政。今朕秉

萬機。豈可復亂官爲邪。

同上

告張濟詔

十二月

朕惟宗廟之重。社稷之靈。乃心東都。日夜以冀。洛陽丘墟。靡所庇蔭。欲幸弘農。曰漸還舊。諸軍不止其競。遂成禍亂。今不爲定。民在塗炭。濟宿有忠亮。乃心王室。前者受命。來和催汜。元功旣建。豈不惜乎。濟其廩給百官。遂究前勳。昔晉文公爲踐土之會。垂勳周室。可不勉哉。

同上

詔董承等

十二月

催汜自知罪重將遂唐突爲吏民害可復待韓融還乃議進退

同上

詔李樂

十二月

千金之子坐不垂堂孔子慎馮河之危豈所謂安居之道乎

同上

詔敕曹操領兗州牧

建安元年六月

詔敕鎮東將軍領兗州牧費亭侯故特進顯授上將鉄鉞之任復食舊土雙金之寵董統一州委成之重榮曜昭示亦已優崇投節效命自白之秋也

藝文類聚五十一

詔曹操襲費亭侯

詔書拜鎮東將軍襲費亭侯曹操業履忠貞輔幹王室頃遭凶暴海內離析操執義討截黃巾爲國出命夫祿已賞功罰已紕否今以操爲鎮東將軍領兗州牧襲父費亭侯嵩爵并印綬符策

藝文類聚

五十一

封孫策詔書

董卓逆亂，凶國害民。先將軍堅，念在平討。雅意未遂，厥美著聞。策

以

遵善道，求福不同。今已策爲騎都尉、襲爵烏程侯，領會稽太守。

以

孫破虜討逆傳

曹公表策爲討逆將軍，封爲吳侯。注引江表傳曰：建安二年夏，漢遣議郎王輔奉戊辰詔書曰：

詔孫策。建安二年夏。

董卓逆亂，凶國害民。先將軍堅，念在平討。雅意未遂，厥美著聞。策

遵善道，求福不同。今已策爲騎都尉、襲爵烏程侯，領會稽太守。

吳志

孫討逆傳注引江表傳：漢朝遣議郎王輔奉戊辰詔書云云。

又詔敕孫策

故左將軍袁術，不顧朝恩，坐創凶逆，造合虛僞，欲因兵亂詭詐百姓，聞其言以爲不然，定得使持節、平東將軍、領徐州牧、溫侯、布上術所造惑眾妖妄，知術鴟梟之性，遂其無道，修治王宮，置置公卿，郊天祀地，殘民害物，爲禍浹酷，布前後上策，乃心本朝，欲還討術，爲國効節，乞加顯異。夫懸賞俟功，惟勤是與，故便寵授，承襲前邑。

重臣大郡榮耀兼至是策輸力竭命之秋也其亟與布及行吳郡太守安東將軍陳瑀戮力一心同時赴討

吳志孫討逆傳注引江表傳

命魏公得承制封拜詔二十年

夫軍之大事在茲賞罰勸善懲惡宜不旋時故司馬法曰賞不逾日者欲民速覩爲善之利也昔在中興鄧禹入關承制拜軍祭酒李文爲河東太守來歙又承制拜高峻爲通路將軍察其本傳皆非先請明臨事刻印也斯則世祖神明權達損益蓋所用速示威懷而著鴻勳也其春秋之義大夫出疆有專命之事苟所曰利社稷安國家而已況君兼任二伯師尹九有實征夷夏軍行藩甸之外失得在于斯須之間停賞俟詔目滯世務固非朕之所圖也自今已後臨事所甄當加寵號者其便刻印章假授咸使忠義得相獎勵勿有疑焉

魏志武帝紀注引孔衍漢魏春秋又見御覽六百三十三

進魏公爵爲魏王詔

自古帝王雖號稱相變爵等不同。至于廢宗元勳。建立功德。光啟
民姓。延于子孫。庶姓之與親。豈有殊焉。昔我聖祖受命。勦業肇基。
造我區夏。鑒古今之制。通爵等之差。盡封山川。已立藩屏。使異姓
親戚。竝列土地。據國而王。所曰保乂天命。安固萬嗣。歷世承平。臣
主無事。世祖中興。而時有難易。是曰曠年數百。無異姓諸侯王之
位。朕曰不德。繼序弘業。遭率土分崩。羣凶縱毒。自西徂東。辛苦卑
約。當此之際。唯恐溺入于難。曰羞先帝之聖德。賴皇天之靈。俾君
秉義奮身。震迅神武。捍朕于艱難。獲保宗廟。華夏遺民。含氣之倫。
莫不蒙焉。君勤過稷禹。忠侔伊周。而掩之曰謙讓。守之曰彌恭。是
曰往者。初開魏國。錫君土宇。懼君之違命。慮君之固辭。故且懷志
屈意。封君爲上公。欲曰欽順高義。須俟勳績。韓遂宋建。南結巴蜀。
羣逆合從。圖危社稷。君復命將。龍驤虎奮。梟其元首。屠其窟栖。暨
至西征。陽平之役。親擐甲冑。深入險阻。芟夷蝥賊。殄其凶醜。邊定

西陲懸旌萬里聲教遠振監我區夏蓋唐虞之盛三后樹功文武之興旦奭作輔二祖成業英豪佐命夫曰聖哲之君事爲已任猶錫土班瑞曰報功臣豈有如朕寡德仗君曰濟而賞典不豐將何曰答神祇慰萬民哉今進君爵爲魏王使使持節行御史大夫宗正劉艾奉策璽元士之社苴曰白茅金虎符第一至第五竹使符第一至十君其正王位曰丞相領冀州牧如故其上魏公璽綬符策敬服朕命簡恤爾眾克綏庶績曰揚我祖宗之休命

魏志武帝紀注引獻

帝傳

又手詔

大聖曰功德爲高美曰忠和爲典訓故勛業垂名使百世可希行道制義使力行可效是曰勳列無窮休光茂著稷契載元首之聰明周邵因文武之智用雖經營庶官仰歎俯思其對豈有若君者哉朕惟古人之功美之如彼思君忠勤之績茂之如此是以每將

鏤符析瑞陳禮命冊寤寐慨然自忘守文之不德焉今君重違朕命固辭懇切非所目稱朕心而訓後世也其益志擢節勿復固辭

魏志武帝紀
注引獻帝傳

今日君爲魏王白絳皐黃白各二疋越葛一端往欽哉

御覽八
百十九

詔魏太子丕嗣位

二十五年

魏太子丕昔皇天授乃顯考曰翼我皇家遂攘除羣凶拓定九州弘功茂績光于宇宙朕用垂拱負屨三十有餘載天不憊遺一老永保予一人早世潛神哀悼傷切丕奕世宣明宜秉文武紹熙前緒今使使持節御史大夫華歆奉策詔授丕丞相印綬魏王璽紱領冀州牧方今外有遺虜遐夷未賓旗鼓猶在邊境干戈不得輟刃斯乃播揚洪烈立功垂名之秋也豈得修諒闇之禮究曾閔之志哉其敬服朕命抑弭憂懷勿祗厥緒時亮庶功曰稱朕意於戲可不勉乎

袁宏後漢紀三十又見魏志文紀注
策錄衛覬作宜編入三國文今此非禪詔故編入獻帝

文

賜士燮璽書

交州絕域南帶江海。上恩不宣。下義壅隔。知逆賊劉表。又遣賴恭
闕看南土。今日燮爲綏南中郎將。董督七郡。領交阯太守如故。此失志

士燮
傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷八終